



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-656

15/07/2019

ქ. თბილისი

აბაშის მუნიციპალიტეტში სოფ. გულეიკარში მდ. რიონის ნაპირსამაგრი (ნაპირდაცვითი) სამუშაოების განხორციელებაზე სკრინინგის გადაწყვეტილების შესახებ

საქართველოს საავტომობილო გზების დეპარტამენტის მიერ გზმ-ს ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია აბაშის მუნიციპალიტეტში, სოფ. გულეიკარში, მდ. რიონის ნაპირსამაგრი (ნაპირდაცვითი) სამუშაოების განხორციელების პროექტის სკრინინგის განცხადება.

სკრინინგის განცხადების თანახმად, მდ.რიონი ხასიათდება გაზაფხულის წყალდიდობით. ტერიტორიის რელიეფიდან გამომდინარე, წყალდიდობის დროს პერიოდულად ხდება მდინარის დონის აწევა და დასახლების დატბორვა, რასაც თან ახლავს კალაპოტის მარცხენა ნაპირის ინტენსიური გვერდითი ეროზია.

წარმოდგენილი პროექტი მიზნად ისახავს მდ. რიონის მარცხენა ნაპირის საინჟინრო დაცვას. პროექტით გათვალისწინებულია ქვანაყარი ბერმის მოწყობა 398 მეტრი სიგრძის მონაკვეთზე GPS კოორდინატები: X-268117,805; Y-4668245,322. აღნიშნული კოორდინატების ელექტრონული გადამოწმების შედეგად დადგინდა, რომ უახლოესი საცხოვრებელი სახლი საპროექტო ტერიტორიიდან დაშორებულია დაახლოებით 200 მეტრით. ნაპირდაცვითი სამუშაოების ხანგრძლივობაა 4 თვე. ბერმის მოწყობის პერიოდში გათვალისწინებულია 5 ავტოთვიტმცლელის და ბულდოზერის გამოყენება.

საპროექტო ნაგებობა გაანგარიშებულია 1%-იანი უზრუნველყოფის საანგარიშო ხარჯზე. კალაპოტის ზოგადი წარეცხვის მაქსიმალური სიღრმე შეადგენს 10,40 მ-ს. ბერმის ფლეთითი ლოდების საანგარიშო დიამეტრი შეადგენს 1 მ-ს. ქვის მოცულობითი წონაა არანაკლებ 2.4 ტ/მ³. ნაგებობის თხემის სიგანე შეადგენს 6.5 მეტრს, სიმაღლე 4.2 მ, ნაგებობის 1 გრძივ მეტრზე გათვალისწინებულია 34 კუბ.მ მოცულობის საანგარიშო ლოდების ჩაყრა. ქვანაყარი ბერმა ეწყობა ნაპირზე ე.წ „პიონერული მეთოდით“. ასევე გათვალისწინებულია დროებითი ბერმის თხემი მოხრეშვა სამშენებლო ტექნიკის გადასაადგილებლად.

ნაპირსამაგრი სამუშაოების ჩატარების პერიოდში არ არის გათვალისწინებული სამშენებლო ბანაკის მოწყობა. ბუნებრივი რესურსებიდან უშუალო შეხება შესაძლებელია მოხდეს მდინარის წყალთან ფლეთილი ლოდების ნაპირზე განთავსების პროცესში.

წყლის დაბინძურების ძირითადი რისკები უკავშირდება გაუთვალისწინებელ შემთხვევებს., როგორცაა: ნარჩენების არასწორი მართვა, ტექნიკისა და სატრანსპორტო საშუალებების გაუმართაობის გამო ნავთობპროდუქტების დაღვრა და სხვ. აღნიშნულ საკითხებთან დაკავშირებით დაწესდება კონტროლი. სამშენებლო სამუშაოების ჩატარება გათვალისწინებულია წყალმცირობის პერიოდში, რაც ტექნიკის წყალში ხანგრძლივად დგომის გარეშე იძლევა ექსპლუატაციის საშუალებას.

ნაპირსამაგრი სამუშაოების ჩატარების პერიოდში ატმოსფერულ ჰაერზე ზეგავლენის წყაროს წარმოადგენს ნაპირდაცვით სამუშაოებში გამოყენებული ტექნიკა (გამონაბოლქვი და ამტვერება).

საპროექტო ტერიტორიაზე ხმაურის გავრცელების ძირითადი წყაროა სამშენებლო ტექნიკა. სამშენებლო უბნებზე განსახორციელებელი პრაქტიკული ღონისძიებების მასშტაბებიდან გამომდინარე ხმაურისა და ვიბრაციის დონეები დაბალია.

სახიფათო ნარჩენების (მაგ. ზეთებით დაბინძურებული ჩვრები, და სხვ.) რაოდენობა იქნება უმნიშვნელო და მისი დროებითი დასაწყობება მოხდება სამშენებლო მოედანზე სპეციალურად გამოყოფილ სათავსოში და გადაეცემა აღნიშნული სახის ნარჩენების მართვაზე შესაბამისი უფლებამოსილების მქონე ორგანიზაციას. სკრინინგის განცხადების თანახმად, სამუშაოების განხორციელებისას არ წარმოიქმნება სამშენებლო ნარჩენები, ხოლო საყოფაცხოვრებო ნარჩენების შეგროვება მოხდება კონტეინერებში და გატანილი იქნება მუნიციპალურ ნაგავსაყრელზე. სამეურნეო-ფეკალური წყლები შეგროვდება საასენიზაციო ორმოში.

ნაპირსამაგრი სამუშაოების ჩატარების ადგილი არ ხვდება ტყით მჭიდროდ დაფარულ ტერიტორიაზე და არ ითვალისწინებს ხე-მცენარეების მოჭრას. წარმოდგენილი განცხადების შესაბამისად კუმულაციური ზემოქმედება აღნიშნული სამუშაოების განხორციელების ეტაპზე არ არის მოსალოდნელი. საპროექტო ტერიტორიის სიახლოვეს არ ფიქსირდება კულტურული მემკვიდრეობის ძეგლები და სხვა ობიექტები. მდ. რიონის ნაპირდაცვითი სამუშაოების ხანგრძლივობის და მასშტაბის გათვალისწინებით, გარემოზე უარყოფითი ზემოქმედება არ იქნება მნიშვნელოვანი.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსი“-ს მე-7 მუხლის მე-6 ნაწილის საფუძველზე

ვ ბ რ ძ ა ნ ე ბ :

1. მიღებულ იქნეს სკრინინგის გადაწყვეტილება, აბაშის მუნიციპალიტეტში სოფ. გულეიკარში მდ. რიონის ნაპირსამაგრი (ნაპირდაცვითი) სამუშაოების განხორციელება **არ დაექვემდებაროს** გარემოზე ზემოქმედების შეფასებას;
2. საქართველოს საავტომობილო გზების დეპარტამენტი ვალდებულია საქართველოს კანონის „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური

რეგლამენტებით დადგენილი მოთხოვნებისა და გარემოსდაცვითი ნორმების დაცვა;

3. ბრძანება დაუყოვნებლივ გაეგზავნოს საქართველოს საავტომობილო გზების დეპარტამენტს;
4. ბრძანება ძალაში შევიდეს საქართველოს საავტომობილო გზების დეპარტამენტის მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში გადაწყვეტილება განთავსდეს სამინისტროს ოფიციალურ ვებგვერდზე და აბაშის მუნიციპალიტეტის აღმასრულებელი ან/და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N 6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი